

L Bracon, l gran comandant, kël va danfóra,
Senté sùn só chiaval, blanc scèc nêi frësia;
Sopérb è l bon chiaval dè súa bèl'óra,
K'ël fêz a discendènza Braconësia;
Con sù oedli plëgns dè fûc, còl chiè alt in aria
228 Batel còi fêrz na marcia dât salvaria.

Con var peşóc va inant la bèla armada,
Pasa e lascia inao l bèl bagn dè Cortina;
— Nò la planûra sòt l Cristal slargiada,
Mò Cortina maròra, la ladina —;
Dlongia l léc, blót, s'ël nê patès la sùta,
234 Pasa i Marò con marcia dlonc bëgn stlûta.

Inkina a Tâmers van per la valada,
La mont rica dè bëles gran pastûres.
Al sëgn del comandant frëma l'armada
A mèz ki crëp sùn këles gran planûres:
Falsé lascel la gënt con bèla crianza,
240 Spó con ûz tléra a këla comünanza:

„Kiló“, digel, „tê kesta gran planûra
Sarà la sòrt incù o doman deziža
Tra nòs e ki d'Ampëz e dè Chiadûra;
Man'gèdè ùs stlóp, k'è sta ben'dis tè dlîza,
Adorèdè les lances bëgn spizades,
246 Les şables inch da espért' dër amorades!

Dai Lombért' defenèdè les pastûres!
Dè dût Marò vè këstes la rikëza;
Zënza monts, zënza bósc e ożoradûres
— Di l pói zënza menti e con gran frankëza —
Podès arbandoné kesta valada,
252 Dè bëles monts e bósc' incercenada.

Dai Lombért' defenèdè les campagnes,
Dè bèla blava ghéla dlonc corides!

Na crüş vèghen t'a mèz la gran Fodara;
Iló s'abina, l dí e l'óra metüda,
Bèl tòc dlongia na bèla gran chiažara
Dè Cortina la comision temüda;
Gnüt è chi l podestà dè ria Chiadüra
36 E dè Marò l'ombólt con crèpa düra.

Con èl á vigni ombólt cater o plü òmi,
Lit' fóra dal comùn con gran caotèla.
Revá düt' cant' bī san', sù l'érba tòmi,
Stanc' da l'iad', da sorèdl fat zèna ambrela.
Süa rejon fèz varèi l magon per bona
42 E brontóra scèc vèdl mut, kè sllomona.

Per sfridè è bona cis l'èga dè vita;
Per kèl mēsla lascé la patrontascia
Atira can k'i piš da l'iad' s'arkita;
Na pért n'á puchia, d'atri n'á na flascia;
Š'èl n'è spó kè sè l'aiè chi desmentiaa,
48 En ciafi dai compagns chi dè scineada.

Dó l sacrificio fat a Baco e gòla
Pēnsa la radonanza a pan e liágna;
Mangiativa nē fó kēsta la sòla:
Iló vivóva düt' scèc tē Cogagna,
Bocolā ciócio, ròst e chiér sfomiada,
54 Dan a botilies mindechiè na dada.

T'a mèz còl past apēna revá fóvi,
K'i Chiadorins scomēncia bèl la véra;
Sostegnüs da sù bon' viginis s'odóvi,
K'aspirá per èi sùs a düt Fedéra;
I Maròi oró per térmio la chiažara,
60 Šè nó sará la mont dè ki kes para.

Ün diš kēš, ün diš kēl, düt' atramēnter;
Vignün tēgn a la süa con rejon bona,

K'ël sè próa dè defenè degnamënter;
Vignùn per só confin orù rajona;
Ampezan', Chiadorins, Marò sè strita
66 E sraia, scèc ëla gissa dè la vita.

Ùn e l'ater sè strita e sè blastëma;
Degùn' n'ó zèdè, dùt' cant' sè desëna;
Ki dè Cortina nē conēs la tēma,
I Chiadorins somēia tavans kē šēna,
Va sū e jū ed ia e ca con gran blastemades,
72 Da l'oşanza taliana damanades.

Pūchies è les paróles, mò plù dūres,
K'è dai Marò tē kēla vëra dites;
Zēnza sraiamēnt e gran bēghes o fūres
Tēgni a la sūa, inscikē fēz tē pites,
Kē dē còi trēs e fa „cò cò“ nē lascia,
78 Dlon ciarpedan tē stran, ciomēnt o dascia.

Ai Chiadorins vëgn manchia les blastēmes;
Dùt'i sant'e les ósties invocades,
Oran stopé con té móda sūs tēmes,
Scomēnci cou odlades e sborlades,
Scèc fēz datrai sūn sēgra val mazóco,
84 Kē senzír sciampa spó da vigni scóco.

I Marò sta bī kit', scèc nia nē fōssa,
Dai Chiadorins nó tēma n'ái nó pòra;
Sūn kēl' érba stái borzada e dùt ròssa
Ed aspēta, k'ël vëgn del rī laúr l'óra;
Paìè i òi, š'ēla vëgn a kēles, del dí l'óra
90 E paré ki Lombért' dùt' in malóra.

D'i Ampezan' l' podestá, na vëra fūria,
Con n salt sè lével plēgn dē sēn e rabia,
Bat a l'ombólt Marò dal chiè la ciúria,
Acompaguan sūa azion con „ca tē l'abbia!“

Dó keš bël fat, da bráo, plëgn dë ligrëza
96 Sen val indò pró i sù con contentëza.

Dë Marò l gran ombólt në diš paróla;
A sù amiš fëgel sëgn, ed ëi t' i stima;
Ër sùra i guivel bëgn e ria i savóla
Dë mesëi renonzië a vendëta e stima,
Bëgn k' ël fòs ma per kël momënt solmënter;
102 Mò a l' ombólt stimi düt' cant' bonamënter.

Kël contëgn chi i Talian' ël kë respëta:
Les niores fòsces, zënza vënt e kites
Con rejon bona l contadin sospëta
Per chiamp, per chiaşes zënza calamites,
Per gran aváres düt dë flus corides
108 E per campagnes rikes e fornides.

Chiamó kël dí n' á fat sorëdl la róda,
K' i Marò, aldí l son sùrt dë la chiampana,
Jù al Plan s' abina düt' in bèla móda,
Per aldi chi k' an ó e chi k' an comana;
Adëm n' ël gnùt da Pliscia, da Mantëna,
114 Chi da la Plí troe plù kë na deşëna.

Scëké vëspes, düt mates, jóra e şëna,
Pëta l' agëi a düt chiëz k' ëles inconta,
Şë rí müt les destúrba e les deşëna
E dër trazús con düt l' ospá l' imponta:
Inscí boşia i Marò të këla fola,
120 Së mosciödan scëc ëga çyta t' óla.

Da chiaşa dë comùn vëgn finalmënter
D' i Marò l gran ombólt vérs këla mëza,
Abinada sùn kël bël plaz kël mënter;
Revè pró d' ëi së tólel sëgn na prëza,
— Inscí podól mostré súa tabakîra
126 Con argentada düt incëre la vîra.

Incercené da sù Marò spó digel:
„Mia bona gënt, e lonë e lérc laldada!”
— Ad a mënt digel düt, li jù nê ligel —
„A la chiampana fat dé ai na mart'lada
Per kerdé düt' a radonanza plëna
132 Corá fóra da Pliscia fin Mantëna.

Còi Chiadorins ed Ampezan' la véra
Orón incù feni sùn gran Fodara;
Mò l'ombóit dë Marò l'á paiada chiéra.
Savès chi k'ëi m'á dé iló per capara?
A téra m'ái batù mia bèla ciùria:
138 Afront compagn damana véra e fùria.

L'onòr defenarons dë la valada,
L'onòr chi d'i Ladins, scèta romana:
La fedeltè, gonót bèl desmostrada,
Si d'óstes gran virtùs sègn la plò grana!
Kiló guidë a la térza alba sùn plaza!
144 Také i la tacarons a këla raza.

Gnidë con bones érmes bëgn temprades,
Stlóp torèdë, kë tirë a la següda,
Inch lances, şables taiëntes, amorades,
Dë bones falë con dër bona batüda,
Furchies longies, spizades in dertüra,
150 Gonót sperimentades tè coltüra!”

Inscí l'ombóit. La gënt iló abinada
Së despartëš, per ostëris, per strades,
Per chiaşes, per mażons e trüs slargiada;
A chiacoles, a crist' e blastemades
Contra Ampezan' e Chiadorins petades
156 A fat na fin la noet e les snortlades.

Düt' s'ingigna pró: Stlóp da rúgea nêten,
I féz bî liciorënt', kë düt sdlomina;

Bi tóe' dè plom tē gran fanūces mēten
Sūra fūc, tiza spó e tiza e cogina;
Del plom dligghè, gnūt brum, fégen les bales,
162 K'impe dè nodri vè per l plù mortales.

Nót da spavēnt á i féorz tē sūs fogines,
L mantez sōfia scèc fēz locomotiva;
La mōra amōra andèles fines fines;
Scèc gēma ki è ferì tē la chiér viva,
Inscí gēma l'ancūgu sūt martelades,
168 Con gran fōrza da l'alt in bas tomades.

Fant', faucèles, mitons, mitans sē spaza,
Vedli, vedles, jon', jones salta e laōra,
Marōres e Maròì dē vigni raza,
Dūt' va, salta, sē spaza tért, adōra,
Dūt' pórtà, tira, zéra val per téra,
174 Gran, piē, burt, bèl, èl, èla pēnsa a véra.

Desmentia rēsta chiamp e pra e campagna;
Inkina mai l bestiam pēl, sen resēntē;
Les pūres vachies sūt al tēmp sē bagna;
Les fancèles d'avēi tēmp pēl kē stēntē
Dē daori a vachies, bisces, chiōres stala,
180 Olá kē zēnza bēgn da inrè val fala.

L'alba, da mantèl grīs blankiē corida,
Arbasava bèl plan da les pizades,
Kē dē la Plī con bèla renderida
La gran chiampana tlama les armades
Dē la comūn a gran e ria vendēta,
186 Comūn, capa dē dūta la bakēta.

Ingigná vēgni dūt' a la tlanada,
Armé vignūn a sūa bèla manīra;
Comandant è l Bracon dē kēla armada,
K'ad ater k'a vendēta sēgn nē šira;

Só chiaval, dè san Iorz pórtel la sèla,
192 K'a arpé dal Sant dè Brac la parentèla.

In trèi squadres partës l Bracon l'armada:
Ki k'è dè stlóp armá, ki fèz la pruma;
Seconda dal Bracon è nominada
Kèla, k'á sùl chiapèl cocarda bruma
Ed è armada dè furchies longies spizes,
198 Bones da tó l nemic jù dè les pizes.

Dè ki kè portà şables liciorèntes
E vèdles lances fò la térza fata.
In lignes bèles longies, mò bēgn strēntes
Comanava l Bracon ki k'è t' na pata:
Diz lignes n'él in dūt iló slargiades
204 De cincanta òmi l'ùna, bēgn comp'dades.

Con devozion ascòlten spó la mēsa,
Kè diş iló l bon prò per zì tē dliža;
I Maròi recomana, scēc an dēsa,
Sé instēs al Şior dē kēla chiaşa griža,
K'è defóra dē picera aparēnza,
210 Ş'él nē fos da itē Cristo in gran prežēnza.

La benedeşion dada gienerala
Aşegorēia a ki bon' Maròi la vita
In l'ater mon felizē ed imortala,
Olá kē dūt' fēz trēs e trēs bèla ita;
Coragio ciafa inşci la bèla armada
216 D'èster ten cūrt dē gloria coronada.

In movimēt sē mēt spó les colones,
Vērs Val dēRūdo va la gran armada
Sù la sciabla les érmes bèles, bones;
Ki dai stlóp èl k'insēgna la gran strada;
La seconda colona fēz les şables,
222 La térza les gran furchies sù les sciables.

Defenèdè dai giat' lombért' les liagnes!
Óstes bèles avàres dlonc florides
Vardède, defenèdè, costodidè,
258 Dad èles i goltùs da lonè tegnidè!

Dai Lombért' defenèdè les tlapades
D'ùs bī manšons sùn Fanes e Fodara,
Inch i vidī, les vachies pascentades,
Dè benestanza zérta e gran capara!
Dal lù les bīsces spavies defenèdè,
264 Dal valtù les giarines stravardèdè!

Dai Lombért' defenèdè spó óstes èles,
Sī k'èles sibè bèl dī maridades,
Sī chiamó jones bèles, inscèc stèles,
Da òs, bī jon', per crestianes aspirades!
Defenèdè les chiaşes da sbarades
270 Dad Ampezan' e Chiadorins menades!

Dai Lombért' defenèdè les creatûres,
Ùs mitons, les mitans bèl inozèntes!
Defenèdè d'ùs angioi les figûres,
D'ùs gran' amòrz les flames dût lorèntes!
Dai rī variyi ùs bī pici agnī vardèdè,
276 K'èi n'ī pòrtè dè mèz e skérz', parèdè!

Gni gnarái ki d'Ampèz e dè Chiadûra,
Scèc m'á conté les spis da mé spedides,
Con gran fôrza e chiamó plù gran bravûra
Doman adòra; inscī diş nóstes guides,
Salodè i orons con búrtes zeremonies,
282 Kè nes laldè chi lafóra nóstes monies.

Per fa ai Lombért' plù bèla e plù gran festa,
Despartirons la trûpa in trêi partides:
I armá dè lances vadè sùn la crèsta,
Dlongia Sénes, da troeč coritš kirides;

L Valon dē Rūdo tōl ki da les fūrchies,
288 Dēr bēgn fates dai espért' e bravi Būrchies.

T' a Pè dē Rū vè ki dai stlōp kē rēsta,
Scognūs da crēp e lēgns e cōi e colines;
Lū rēst con ēi per scomencé la fēsta
Sōt kiš crēp plēgns dē bēsties salvergines;
Sēgn darons ai atri a son tlér dē trombēta,
294 Can kē l'onōr i kērda e la bakēta.*

Insci digeó l Bracon a kēla armada.
I Marò, dūt contēnt' dē sūs paróles,
Conēs del comandant la mēnt scicada
E dūtes sūs azions dē bones scóles;
Sūs paróles apróvi con ligrēza
300 Stiman a sūt consēis con contentēza.

Sūs paróles á dūt l Bracon apēna,
Kē rúa da Pè dē Rū n spion con gran prēscia;
Dal salté sē pól tó l flē con gran pēna;
Dūt degoran dal soiūs tōmel da nēscia;
L guant dūt stracé ed aošē a tēmp e tempēsta
306 Desmōstra kēl crestian nemic dē fēsta.

Dan dal gran comandant, tegnan na maza,
Digel, scēc sūst', paroles destacades:
„Šior comandant, Lombért' — Talian' — ria raza,
Pasé Cortina — Botostagn — Palsades,
Aqua dē Campo Croce — chiara, chiara!
312 Lombért' maladēt' — prēs prēs sūn Fodara!*

L Bracon, aldí l lingaz dē kēl persona,
Ordinēia, scēc ēl è dūt, les partides;
Vignūna tōl sūa strada bēla e bona,
Va per sēmenes rīs o bēl saorides;
Scognūs da crēp, colines e pizades
318 Spēti d'i rī Lombért' les gran armades.

Mò kël dí áí pèz e tria, kě nia nē vègnē;
Les ambrís metó man dē sē fa granes,
Plēnes dē giélozia, kě sorēdl rēgnē
Sù per Sénes, Fodara ed it per Fanes;
Bēgn tós rēgna la noet per la valada
324 E sepolēs tē scoritē l'armada.

Dūt è kīt, destodá i fūc' dē l'armada;
Ia dó l Cristallo sù léva la lūna,
Bēla grana, bēla cōlma, argentada;
Jú in fonz del mér, lascé iló ála súa cūna
Per fa vizita al cil cori dē stēres
330 E fa a la téra vèzē dē chiandēres.

Indorades d'i crēp les gran pizades
Sē salūda da lonē con maéstē tra ēles
E sē la rí del sēn dē les armades,
Kě dōrm, ilominades da les stēles,
A sù piš, da būr sogns soēnz tormentades
336 E dal frēsc sēc e taiēnt gonót scasades.

Dē bóta va la lūna, pasa Fóses,
Fanes granes e piceres, Varēla,
Boá, Pisciadú, sparēs spó sūra Dóses
Con lūm blankicia, smórta plū kě bēla;
Só régno mēsla zèdē a lūm plū tléra,
342 Kě colorēs dē sanc la gran Fodéra.

Mò dan sorēdl levá è ki dē Chiadúra,
Con ēi ki dē Cortina, l'amirada;
Descedé i á dē Fodara la ferdúra,
Dē broža sùl doman acompagnada;
Con ciócio ēga dē vita bēl snēl boiūda
348 I resorēs inscic les flūp l'insciūda.

Nia n'ái chiamó bampé ki dē Chiadúra.
„Degün prigo n'él“, diš les spis talianes,

„Nia n'el da odèi tē kesta crepadūra;
I Maròì ó condùs it na òta les manes
Denan kē gni a chiaré dē sūs pastúres.
354 Kiló sùn kestes bèles gran largúres.*

I Chiadorins ed Ampezan' s' abina,
In marcia zēnza val pòra sē mēti;
Segùs sē vèghi sēgn da gran revina.
Dó n bēl chiamùrē, kē sciampa iló, stlopēti:
Falé fali la bestia salvergina,
360 Mò i brái Maròì, ki á aldi ki dē Cortina.

I Talian' arbandona gran Fodara
Con var lišir calan vèrs la planúra;
Zēnza ordin vai, ed olá degún' nē chiara;
Per crēpes, cródes, sēmenes, pastúra,
Dút' despartis, vèrs Pè dē Rà sen vègni,
366 Da la pért d'i Maròì scognùs sē tēgni.

Scèkē vèspes ten còlp só ospá arbandona,
Tē sua péz da val rī mut destorbades,
Zēnza desfarenziè intenzion ria o bona,
Da rabia mates jóra a gran šenades
E vendikēia sùl prum k'ēles inconta
372 Còl agēi la ria bérta a ēles injonta:

Nó atramēnter salta inch i Maròì fóra
Da kēles búzes e da ki andri e crēpes
Per mēt sēgn Ampezan' in gran malóra,
Per romp ai Chiadorins costēis e rēpes,
Per fa na fin a kēla gēnt lombérda,
378 Kē mēt a dūt, tūt fóra l dērt, a vérda.

Les dūs armades scraia con gran orlades;
I crēp incērc respògn con rendenides;
Da vigni pért splondrons e stlopetades,
Da les fomades crēp, pizes corides;

Mindechiè dë val òm na gran tomada,
384 Da val blastëma o inòm sant compagnada.

Les bales scïora, i crëp, les valz brontöra;
Les bales jóra, jóra con prestëza;
La gënt, Ladins, Talian', tòma e berdöra,
Kël té la val, kël ater sun n'altëza,
Coris in pért da sas e pères lótes,
390 Sî da les bales, sî dad atres bótes.

I Maròi è bravi, tira, tòca, còpa;
A la mórt, chiez k'ëi vëga iló, destini;
Olá kël l stlóp, la mira a gi s'intòpa,
Pûri Lombért', a gran pëna iló fini,
Na pért té búzes, d'atri sùn colines,
396 Loné da Ampezanes, loné da Chiadorines.

L Bracon në mët a vérda a lancia o a bales;
Sporoman val scèc saíta per planûra,
Per colines, per bósc', per valz, per pales;
Dûra scèkë la mórt ál chiaradûra;
La mórt pórtel, olá k'el rûva e pasa:
402 Vignûn a odëi l Bracon zitra e së scasa.

Dan i Maròi, t'la man la şabla in aria,
Sûn só chiaival pël angiöl dë vendëta;
A braûra i sù amonëscel straordinaria,
L Bracon, la fly, l'onòr dë la bakëta.
„Meşorèd', stlopetèd', copèd', mazèdë,
408 Batèdë e dan dal dût n'i la zedèdë!“

L chië in dôi tóe' a Giovanni d'Aquabona,
A Béppo d'Alverá mazel con fórza
Con sùa spada fornida dë corona;
La crëpa còl cervël scèc vèdla scórza
Trapásel a Gostin dë Bigontina,
414 Nó atramënter al Keco dë Cortina.

Agaie l chiè a l bon Bracon con còlp dè spada
A Bérto dè Peziè e a kèl dè Mortişa,
Nasciùs trami da gènt d'Ampèz stimada;
A Carlo dè Pecól, nò a kèl d'Inzişa,
A Tita dè Staolín, bon da fa crignes,
420 A Felizè, gran contadin dè Crignes.

A Tòñ dè Varvèi ál dé na sbod'lada,
Insci chiamó a Vighil dè Chiamùlèra;
A Crestófo dè Zuél dál na forada,
K'i stentins pica lone' jù inkina a téra;
A Flip dè Lacedél ál ròt les rēpes
426 E l'á mazé da iló sòt kēles crēpes.

Chiez kè l Bracon inconta, tòma a téra;
A Mēnec dè Mélérs tólel na sciabla,
Dal mé, k'èl á, fèz kēs na húrta véra;
Mò kèl dè Brac con còlp foriùs dè şabla
Taia a Mēnec bèl a mēz la giama dërta,
432 K'èl tòma coletan per na pala èrta.

Nia mēh n'i vála a Gigi, l jon dè Ronco;
L Bracon l laòra dè vigni vérs còl'érma,
K'impè den jon somēiel in ùltim n monco;
Ah, l Bracon, l mestir sal kèl dè caşérma;
Paşion nē n'ál degùna kèl tē véra,
438 Bèl t'i sal, can kē dūt colēta a téra.

L Bracon sporomēia vérs Stēfo dè Coiana,
Kē còl stlóp fēz gran dan a nosta armada;
Şablada i dál tan stérscia e tan stragrana,
Kē la şabla tē téra s'è fichiada,
Dò avēi parti in dūs perts Ntēfo valives,
444 Kē sē moiova chiamó n pēz iló scēc vives.

Insci fageó l Bracon con súa grun fôrza;
Dūt batel con la şabla taiēnta a téra;

In pèè chièz k'èl inconta va scèè scórza;
Èl bat e fichiu, taia, spedicia, zéra;
Col bon èzèmpio val da bráo danfóra
450 Ed insègua ai Maròi la sórt dè l'óra.

I Maròi, stlèt nê n'èsi, tira e sbarà,
Meşura bëgn e véga spó la bala;
Becaría fégi búrta sòt Fodara,
Olá kè Chiadorins e Ampezan' bala,
Bala l búr bal dè mórt con gran ostiades
456 E cògora e berdòra con orlades.

Mò chi i Lombért' da desprigè nê fóvi,
Cis i Ampezan', k'è plègns dè gran bravúra;
Con sùs sprinzes dè dèr bì còlp fageóvi
E reşodà gonót ki jùn planúra;
Gran bría dévi per èster èi desúra,
462 Ed i Maròi jù tē la gran pastúra.

I Talian' fóva troeè scèkè les mòsces;
Vigni momènt n'odón dè noeves skíres,
Scèc té bísces, kè salta pró les bròsces,
Trates tē ki stalòt' t' vèdles scalíres;
Plù k'èi tòma, tocá da dures bales,
468 Plù spēs sē mòstri trēs sùn kēles pales.

Scèkè les mòsces, gnòda k'è l'insciòda,
Cēr còpes dè lat plēnes şēna e jóra,
E lēca e ciúcia e mai nó nē sē mūda;
Parades spó dè mēz da sorá fóra
Vēgneles prēs indó in plù gran armada
474 E scomēncia batalia plù indiaolada:

Nó atramēnter boli cēr les pizades
D'i Chiadorins ed Ampezan' l'armada
Sòt gran Fodara in spēsēs, gran tlapades;
Pará dó pizes, crēp con gran tonada

Gnivi fóra ten cùrt in plù gran skìres
480 E scomencià la véra con plù mires.

Scèc dòl bagót', can k'èi dal sèn sè tùcia,
In pruma fèz, scèc èi kirís matades,
Spó zèsa var a var e mai nē mùcia,
Mò revá, sù les bèles pascentades,
A gran distanza vèi ten còlp s'imponta,
486 E con búrtes sbonfades spó s'inconta:

Insci fageó chi kèles dús armades:
Sègn tomades con spènta spaventosa
Una sùl'atra a dades e dramades;
Dó búrtes gran forades sgricioròşes
Sè despartèsci indó, armada da armada,
492 Per seghitè la véra sfogatada.

Les valz, colines, bûzes è corides
Dè Lombért', mórt' in kèla búrta véra;
D'atri scraiava dal mé dè les ferides,
Sdraiá iló zènza remèd sùn kèla téra;
I san', scèc nia nē fòssa, pasa dlongia
498 Zènza sè tò per ki feris bría longia.

Mò inch pró i Marò è la sègra destorbada,
Inch sùs lignes è gnòdes troep plù tléres
E la mèza d'i combatant' calada;
Té spèişeş pé ai Marò troe masa chiéres;
Gran è l nùmer, kè mès pati e kè gèma,
504 Gran inch dè ki k'è mórt', libri da tèma.

Destenùs mórt' tē kèla gran planúra
Fò Páol dè Colač, Tita dè Fordóra,
Trami dòl jon', dè còrp bi e dè statúra;
Da la lista d'i vis á chi trat fóra
La Mórt' dòl jomelins da Meşavila,
510 Bérto, fi sòl e ric dè Pedevila.

Mórt' fò da bales bëgn tel chiè tocales
Francèsc dè Rù ed Ozèp vèdl dè Fornacia;
Pir dè Frontù á ciafé dús stlopetades,
Nia dè manco l bèl jon Gório Paracia;
A Flip del Moradú odón les cervèles,
516 Kè gni fóra, inseí a Guido da Chiaşèles.

Tomé e mórt' è da iló kèl dè Corcèla,
Destenù té na bùza bèla sòta;
Sùra d'èl Bépo, l bèl jon dè Corgèla;
La crèpa ái trami dòl da mèz ía ròta;
Dè Chianoré l Jécl dórm sù na colina,
522 L chiè fracacé da bala chiadorina.

Dè Pradùè Ièrgl, dè Fùr l ric patron Tita,
Dè Cùrt Ozèp, dè Pinchia l Pedevila,
Dè Pedagá Matì, kèl dè Meghita,
Dè Solar Franzl e l bèl Sépl Somavila,
Dè Fléo Martin, Zénz dè Pera Forada
528 È sta copá sù n cól da na sbarada.

Valentin Burchia, Carlo dè Valgiára,
Felizè dè Miscí, Jan dè Cortina,
Šimon dè Poz e Tònè e Adam dè Miára,
Kiš è spantiá e mená té gran revina
Dai lastons, saš e pères dè Fodara,
534 Dai rì Lombért' mená per ria capara.

Feris n'èl troeč, kè gëma e sè lamènta:
Nazio d'Alnèi, kírí da les Maròres,
Per èster bèl e ric e zënza stènta;
Blaš dè Crèpa, mercant dè pèlz dè chiòres,
Ernést dè Ras, Rodolfo dè Slaròta
540 Sta dút' iló bī kīt', sforzá da giama ròta.

Izidóro dè Bièi, dè gran rikèza,
Zénzo dè Chianacèi, ric dè campagna,

Mérc dë Chianëi, òm dë compagna e frankëza,
Brózo dë Cortorëi, dë fórza stagna,
Florian dë Sargëi, gran amant dë chiacës,
546 Kis va düt' zót' sècc bös da les crepaces.

L Bracon vëga l gran prigo de sùa armada;
La retirada vérs la val comanel,
Mò plan ed in manîra regolada;
I Chiadorins ed Ampezan' ingianel
Còl fa crëi, k'i Marò batús sen sciampë;
552 Só piano ól, kë degün' tra ki në bampë.

I Lombért crëi èster oritè la finta,
Cala da l'alt con gran potënza e fórza,
Scëké n rù, dal tempìe fosc tan kë tinta,
Mëna pantan e sas e zòp e scórza
E para chiëz k'ël ciafa a brontorades
558 Con gran revina jù tē les valades:

Inscí paróva chi la gran Fodara
Düt foscia dai Talian' kë gnì e arbasava
In gran mèza con düt chiëz kë va para.
Olá kë la planûra seomënciava,
Da vigni përt slargiè iló sē slargiavi,
564 Chiëz k'ëi incontava, dan dad ëi paravi.

L Bracon fëz sègn a Iáco dë Mantëna,
Kë fò capo dë müziga e trombëta;
L móto del comandant vëghel apëna,
K'ël pëia tē l'instromënt také t'na vëta;
Ël sona la trombëta con tlarëza
570 E i crëp respògn dër bèl e con sveltëza.

La trombëta per èster bèla tlëra
È aldida dai Marò scognús vérs Fanes,
Aldi è da ki dë Sénes l sègn dë véra,
Aspeté dad ëi dī bèl con vóies granes;